

MINISTARSTVO ZDRAVSTVA ZENIČKO-DOBOJSKOG KANTONA

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Sl. novine FBiH", broj: 12/03, 34/03 i 65/13), člana 105. stav 2. Zakona o zdravstvenom osiguranju („Sl. novine FBiH“, broj 30/97, 7/02, 70/08, 48/11 i 36/18), člana 29. i člana 31. Statuta Zavoda zdravstvenog osiguranja Zeničko-dobojskog kantona („Sl. novine Zeničko-dobojskog kantona“, broj: 11/16 i 9/19) i člana 25. Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona („Sl. novine Zeničko-dobojskog kantona“ broj: 4/15, 7/15 i 11/16) u postupku imenovanja direktora Zavoda zdravstvenog osiguranja Zeničko-dobojskog kantona, Ministarstvo zdravstva Zeničko-dobojskog kantona objavljuje

JAVNI KONKURS ZA IMENOVANJE NA POZICIJU DIREKTORA ZAVODA ZDRAVSTVENOG OSIGURANJA ZENIČKO-DOBOJSKOG KANTONA

Objavljuje se Javni konkurs za imenovanje direktora Zavoda zdravstvenog osiguranja Zeničko-dobojskog kantona.

OPIS POZICIJE

Direktor Zavoda zdravstvenog osiguranja Zeničko-dobojskog kantona (u daljem tekstu: Zavod), u skladu sa članom 26. Statuta Zavoda zdravstvenog osiguranja Zeničko-dobojskog kantona, obavlja sljedeće poslove: organizuje rad i rukovodi Zavodom, zastupa i predstavlja Zavod prema trećim licima, organizuje rad i poslovanje Zavoda, kao i provođenje dogovora, sporazuma i ugovora koje je Zavod zaključio, stara se o blagovremenom obezbjeđivanju finansijskih sredstava potrebnih za sprovođenje obaveznog zdravstvenog osiguranja, o njihovoj namjenskoj upotrebi, zakonitom, pravilnom i blagovremenom ostvarivanju prava osiguranih lica, daje naloge za izvršenje finansijskog plana Zavoda i drugih akata Upravnog odbora, stara se o pripremi svih akata i materijala čija je izrada u djelokrugu rada Zavoda, a koje razmatraju i o njima odlučuju organi vlasti, Upravni odbor, odbori i komisije Upravnog odbora i druga tijela obrazovana na osnovu zakona, podzakonskih akata, Statuta i drugih općih akata Zavoda, donosi Pravilnik o unutrašnjoj organizaciji i sistematizaciji radnih mjesta uz saglasnost Vlade Zeničko-dobojskog kantona i Upravnog odbora Zavoda, rješava o pravima iz obaveznog zdravstvenog osiguranja u prvom stepenu, u skladu sa pozakonskim propisima, rukovodi radom stručne službe i donosi stručna uputstva u cilju zakonitog, pravilnog i blagovremenog obavljanja poslova, obrazuje radne grupe za izradu složenijih akata i materijala, stara se o pripremi i organizovanju sjednica Upravnog odbora Zavoda, provodi i organizuje izvršavanje odluka, zaključaka i drugih akata Upravnog odbora i njegovih odbora i komisija, odobrava nabavku materijala i drugih sredstava potrebnih za rad stručne službe u skladu sa finansijskim planom, stara se o ostvarivanju javnosti rada Zavoda, donosi odluke o prijemu i raspoređivanju radnika na poslove i zadatke i druge odluke u skladu sa zakonom i općim aktima Zavoda, vrši i druge poslove koji su zakonom, podzakonskim propisima, Statutom i drugim općim aktima u nadležnosti direktora Zavoda.

U skladu sa članom 29. Statuta Zavoda zdravstvenog osiguranja Zeničko-dobojskog kantona, mandat direktora Zavoda traje 4 (četiri) godine, uz mogućnost ponovnog imenovanja.

OPĆI UVJETI ZA IMENOVANJE

Kandidat za imenovanje na poziciju direktora Zavoda treba ispunjavati sljedeće opće uvjete:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja javnog oglasa za upražnjenu poziciju,
4. da se na kandidata ne odnosi član IX. 1. Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Sl. novine FBiH", broj: 12/03, 34/03 i 65/13),
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Sl. novine FBiH", broj: 70/08),
7. da nema privatni i/ili finansijski interes u Zavodu zdravstvenog osiguranja Zeničko-dobojskog kantona,
8. da nije osuđivan za krivično djelo nespojivo sa imenovanjem na poziciju direktora Zavoda zdravstvenog osiguranja Zeničko-dobojskog kantona, pet godina od dana pravosnažnosti presude, isključujući vrijeme zatvorske kazne,
9. da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

POSEBNI UVJETI ZA IMENOVANJE

Kandidat za imenovanje na poziciju direktora Zavoda, pored općih uvjeta za imenovanje, treba ispunjavati i posebne uvjete za imenovanje:

1. VSS, VII stepen stručne spreme, dokaz o završenom visokom obrazovanju Bolonjskog sistema studiranja (240 ECTS bodova) društvenog smjera,
2. 5 (pet) godina radnog iskustva u struci.

DOKAZI

Kandidati su obavezni uz prijavu na javni konkurs priložiti kraću biografiju, adresu i kontakt telefon, kao i dokaze o ispunjavanju općih i posebnih uvjeta za imenovanje u originalu ili ovjerenoj fotokopiji i to:

1. Diplomu sa završenim VII stepenom stručne spreme, VSS društvenog smjera (240 ECTS bodova), a za kandidate koji su visoko obrazovanje stekli po Bolonjskom sistemu studiranja, uz diplomu se dostavlja i dodatak diplomi, a u skladu sa odredbama člana 54. Okvirnog Zakona o visokom obrazovanju u BiH,
2. uvjerenje/potvrdu o radnom iskustvu u struci,
3. ovjerene izjave iz tačke 3. 4. 5. 6. i 7. Općih uvjeta za imenovanje,

4. uvjerenje nadležnog suda prema mjestu prebivališta, da kandidatu nije izrečena zaštitna mjera obavljanja aktivnosti tri godine od dana pravosnažnosti odluke o izrečenoj zaštitnoj mjeri iz tačke 9. Općih uvjeta za imenovanje.

Dokaz da kandidat nije osuđivan za krivično djelo nespojivo sa imenovanjem na poziciju direktora Zavoda zdravstvenog osiguranja Zeničko-dobojskog kantona, pet godina od dana pravosnažnosti presude, isključujući vrijeme zatvorske kazne, Ministarstvo zdravstva će pribaviti po službenoj dužnosti od nadležnog organa za unutrašnje poslove, za kandidata koji bude predložen za konačno imenovanje.

Sa kandidatima koji uđu u uži izbor Komisija će obaviti intervju. Prije intervjua kandidati će biti pozvani da daju podatke o ranijim neposrednim rukovodiocima od kojih se mogu, zatražiti dodatne preporuke i informacije o kandidatima.

Prilikom pristupanja kandidata na intervju, kandidat je obavezan ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi Ministarstvu zdravstva Zeničko-dobojskog kantona, u roku od sedam dana od dana imenovanja.

Prijave sa traženim dokumentima se dostavljaju lično ili poštom na adresu: **Zeničko-dobojski kanton – Ministarstvo zdravstva, Kučukovići 2. 72000 Zenica, sa naznakom:**

„ZA IMENOVANJE NA POZICIJU DIREKTORA ZAVODA ZDRAVSTVENOG OSIGURANJA ZENIČKO-DOBOJSKOG KANTONA – NE OTVARATI“.

Javni konkurs ostaje otvoren 14 dana od dana njegovog posljednjeg objavljivanja, a isti će biti objavljen u „Službenim novinama Federacije Bosne i Hercegovine“ i dnevnom listu „Oslobođenje“.

Neblagovremene i nepotpune prijave neće se razmatrati.